



## **R.D. Iacobi Marchantii Vitis Florigera**

**Marchantius, Jacobus**

**Coloniae Agrippinae, 1661**

7. In electione Prælati, unica. Tu Domine, qui corda nosti omniu[m], ostende que[m] elegeris ex his unum accipere locum ministerii. Act. 1.

---

[urn:nbn:de:hbz:466:1-56381](https://nbn-resolving.org/urn:nbn:de:hbz:466:1-56381)

Pastor Pastorum, & Deus spirituum / provide his qualitatibus aliquem insignium / qui sit super multitudinem hanc, & possit ante eos exire & intro- ducere. Abige spiritum huius seculi, spiritum carnis, spiritum terreni favoris. Non provideat ipse, sed provide tu; & spiritu gratiæ tuæ imple quem elegisti, imple sapientia & prudentia, ut te dirigente introducere valeat sibi subditos in Ovile æternum.

## LECTIO VII.

Thema. Tu, Domine, qui corda nosti omnium, ostende quem elegeris ex his unum, accipere locum ministerii. Act. 1.

In electione alicuius prelati.

In hoc venerabili confesso & congregatione in- tità ad electionem Canonicam alicuius è gremio & Collegio vestro qui vobis prælit, ad dicendum rogatus, illud mihi proponendum existimavi; & electioni præponendum, quod in Actibus Apostolorum, dum ageretur de electione S. Mathiæ ad Apostolatam, ab Apostolis orantibus fuit pronuntiatum: Tu, Domine, qui corda nosti omnium, ostende quem elegeris ex his unum accipere locum ministerii, &c.

Hic præscribitur forma quedam servanda in electionibus Ecclesiasticis, auspicando illas ab oratione, divinamque voluntatem explorando, sive os Domini interrogando, ut inspiret quod eius gloria & vestrae salutis Ecclesiæ que vestrae utilitati expediens hac in re esse possit, ne error in electione damnus sit irreparabile. Cum de salute navigantium agitur, non forte discernitur quis gubernatoris puppim ascendat; sed sub divinis auspiciis inquiritur aliquis qui artem gubernandi didicerit, qui navigarit maria, qui noverit portus & stationes, qui peritus sit stellarum, ut per fluctus possit semitas reperire, & per invia viam expedire. Certè quælibet Ecclesia Navis est requirens prudentem Rectorem, qui illius Ecclesiæ subditos, quasi navigantes sibi commissos, possit in portum deducere. Non ergo ejus electio debet fortunæ incertæ committi, aut parum æstimari; sed in veritatis examine debet fieri, & æternæ veritatis auxilium ad id implorari. Id suo exemplo docent hic Apostoli, idè que eorum verba paulò susus vobis explicanda adsumpsi, si autem mentem que benevolam dignemini verbis meis è sacrae scripturæ: & sanctorum Patrum penu de promptis arrigere & accommodare.

Primò igitur solerter attendenda sunt hæc ante electionem reverentem est Dominus, nos famuli & servi in domo Dei vocatur. 1. Cor. 4. Matth. 23.

tilitates eius curet: qui vigilanter infirma confirmet, disrupa consolidet, depravata convertat, & verbum vite in æternitatis cibum alenda familia dispensat, ut loquitur S. Hilarius in Matth. can. 26, sive qui det in tempore tritici mensuram; ut exprimit Evangelista. Et cuiusnam est constituere fidelem servum super familiam suam, nisi ipsiusmet Patris familias & Domini domus? Merito igitur ei dicitur Tu Domine. Et quis potest vel debet melius nostræ familiæ suæ alumnos, eorumque fidelitatem & mores, quam Herus & Dominus? Ideo adjicitur: Qui Nosti Corda Omnium.

Ipsè novit, & solus novit corda, novit capacitatem & idoneitatem, qualitates & dotes, vires & talenta singulorum. Ideò dicitur est specialiter Cardinogostes, scrutans corda & renes. Novit ea quæ necessaria sunt ad hoc ministerium & officium in familia sua; ipse ergo debet interrogari, & obnixè rogari, ut probatum & fidelem constituat. Nos solum quæ exterius parent agnoscimus, cætera ignoramus; animum & quæ intus sunt explorare non valemus; & quæ futura sunt & futura nec pervidere possumus, nec sufficienter providere. Attendite quid gestum sit in electione Davidis, & agnoscitis, quam verum sit quod dicimus. Venit Samuel ad Isai, & vocavit filios eius ad sacrificium, electurus ex eis unum ad sceptrum. Cumque ingressus esset, vidit Eliab, & ait: Num coram Domino est Christus eius? Gratia exterior, & forma decora, digna videbatur imperio. Sed respondet Dominus: Ne respicias vultum eius, nec altitudinem stature: quoniam abieci eum, nec iuxta iudicium hominis ego iudico. Homo enim videt ea quæ parent, Dominus autem intuetur cor. Et vocavit Isai Abinadab, & adduxit coram Samuele. Quid dixit: Nec hunc elegit Dominus. Adduxit autem Isai Samma, de quo ait: Etiam hunc non elegit Dominus. Adduxit itaque septem filios, & ait Samuel: Non elegit Dominus ex istis. Dixitque ad Isai: Numquid iam completi sunt filii tui qui respondit: Adhuc reliquum est parvulus & pascit oves. Illo autem adventante, dixit Dominus: Surge, unge eum, ipse est enim. Hanc electionem expendens S. Basil. Seleucus considerans que quod David inter Fratres suos vilis videbatur & abjectus, quando quidem ad ovium custodiam dimittebatur, cum alii gloriam militarem & sublimia meditarentur & ambirent, sic disserit: Tales animas legere novit gratia, cura gregis distentum vocat ad regnum, in despecto corpore Margaritum conspicatus. Nos in hominibus exteriora quædam consideramus, opes, nobilitatem, formam, scientiam externam: Deus autem profundius conspicatur, & in despecta quandoque exterius persona animus & mentem bonam pervidet, quasi margaritam & lapidem pretiosum absconditum in concha. Non omne quod splendet, & sublime est, semper eligit Deus. Multæ celsæ arbores erant in monte Sinaï, ipse cæmen Rubum elegit, in quo appareret & steteret,

deret, quemque divini ignis splendore circumda-  
ret. Non Cedrus, aut Pinus sublimis electa est, sed  
humilis planta, quae igne coronaretur, nec a flamma  
consumeretur.

Secundò attendenda sunt illa verba: *Ostende ex  
his unum.* Saepè Deus in electionibus ad Sacerdotium  
& Praesulatum per miraculum ostendit quis  
eligendus foret. Notum est ex sacro Codice de Aa-  
rone, quomodo designatus fuerit per Virgam suam  
florentem & fructus producentem. Ex Ecclesiasti-  
cistic etiam Historiis novimus quòd S. Gregorius  
iudicio Columnae igneae Pontifex fuerit conse-  
cratus, & Fabianus Pontifex iudicio Columbae  
candidae in cum è Caelo advolantis. Quo etiam  
signo S. Evortius consecratus fuit Episcopus An-  
tiochenus eodem symbolo ordinatus, ut habet Me-  
taphrastes apud Surium 27. Januarii.

Sic in ordinatione & electione S. Remigii ap-  
paruit radius novi luminis, quia illuminandarum  
lux parabat animarum: & radio illo illustran-  
te, sensit capiti suo unguentis sacri infusum liquo-  
re, quo totum eius delibutum est caput. Erat  
autem ipse duntaxat viginti duorum annorum, ut  
habet Hincmarus in eius vita.

Sic etiam S. Ambrosius, puero instinctu divi-  
no eum ad Episcopatum nominante, communi-  
bus populi procerumque votis, adhuc licet Ca-  
rethmensis, ad Episcopatum Mediolanensem po-  
stulari est & electus; nec potuit publicae voci  
aut Dei resistere inspirationi, ut testatur Paulinus  
in eius vita. Similiter S. Andreas Fesulanus voce  
pueri Episcopus fuit nominatus & detectus, cum  
fugisset in Carthusiam prope Fesulanum, ut vita  
ejus habet 6. Januarii. Ita quoque cum denomi-  
natus fuisset S. Aignanus pro Episcopatu Aure-  
lianensi, & inde tumultus exortus esset, quibus-  
dam Nobilibus Canonici dignitatem hanc ambi-  
entibus, ex consensu omnium ad sedandum tu-  
multum & explorandam divinam voluntatem a-  
pertus est liber Psalterii, & primò occurrit: *Bea-  
tus quem elegeris & assumpsisti.* Apertus est deinde  
Evangeliorum liber, & illicò occurrit: *Super hanc  
petram aedificabo Ecclesiam meam.* Apertus denique  
Est liber Epistolae S. Pauli, & in prima etiam  
linea occurrit: *Fundamentum aliud nemo potest po-  
nere praeter id quod positum est.* Quo triplici testi-  
monio, non tam fortuito quam ex speciali Dei or-  
dinatione occurrente, ejus electio seu designatio  
omnium calculis fuit approbata.

Psal. 64.

Matth. 16.

1. Cor. 3.

Sed haec extraordinaria sunt, divinà sic dispo-  
nente Providentià, quibusdam miraculis editis,  
vel miraculo proximis signis. Nos autem non mi-  
racula poscimus, ne Deum tentare videamur.  
Sed dum dicimus: *Tu Domine ostende nobis unum  
quem elegeris,* humiliter flagitamus ut inspiret, il-  
luminet, dirigatque nos in electione, ut non ex-  
eremus, nec à scopo nobis proposito gloriae ejus  
aberremus. Obsecramusque ut electione per nos  
facta ex directione & luce Spiritus sancti, tam-  
quam Columbae candidae, & Columnae igneae,  
hanc manus ejus super electum, tamquam super *verum*

dextera sua. Illud quoque non sine emphasi est,  
quod dicitur, *Ostende nobis unum,* hoc est, quiverè  
amet unitatem, amet unionem, concordiam fo-  
veat & charitatem, eliminet divisionem, discor-  
diam, æmulationem, contentionem, superbi-  
& alia vitia scindentia unitatem. Etenim in Col-  
legiis sacris Communitas reperiri debet; id est  
communis unitas, & Communio, id est communis  
unio, ut sit unus spiritus in uno eodemque cor-  
pore in obsequium unius Dei: ut unanimes uno  
ore glorificent Deum & Patrem, uno humero  
ei servant; uniusque labii sint ad diligenter &  
conjunctim decantandas laudes divinas psal-  
lando in choro; ac unius animi ad procurandum de-  
corem domus Dei, & locum habitationis ejus,  
denique unius ejusdemque cordis & humeri ad  
supportandum se invicem, & ad simul satisfaciend-  
um vocationi & canonicae suae obligationi. Haec  
omnia significari possunt per id quod dicitur:  
*Ostende nobis unum quem elegeris.*

Tertiò, attendenda sunt illa verba: *quem ele-  
geris accipere locum ministerii.* Quà quidem forma  
loquendi satis indicatur ne utiquam hic locum esse  
debere ambitioni & cupiditati, contentioni aut  
æmulationi; quandoquidem agatur de loco mi-  
nisterii, & de munere ac onere ceteris misifran-  
di, illisque cum humilitate servandi. Decane  
ergo Officium est dignitas est, est Praelatura est,  
est Primatus quidem inter Fratres & Collegas  
nuncupatur: non nisi tamen ministerium censerit  
debet, cum humilitate suscipiendum & timore,  
quia onus & curam annexam habet, cujus exactio  
est ratio reddenda, quando illud adimplebitur:  
*Deus sit in Synagoga Deorum, in medio autem  
Deos judicet.* Si ablandiri potest hic quaedam  
eminentia & celsitudo; humiliare debet necessa-  
ria & quasi pedissequa sollicitudo. Quapropter  
monet Sapiens: *Reddorem te posuerunt? Noli exultare.*  
*Esto in illis quasi unus ex ipsis, curam illorum ha-  
be, & sic considera, & omni curà ad explicita re-  
cumbe, ut lateris propter illos, & ornamentum gra-  
tiae coronam accipias & dignationem consequaris  
corrogationis. Quid clarius, quid ve praclarus dici  
potest Praelatis, ut ministerium suum agnoscat?*  
Tumida auctoritas quae humilitati non est conjun-  
cta, Caelo terraque est odiosa. Inflatione dici potest  
non magnitudo. Hanc inflationem sic comprimere  
& expungere conatus Sapiens ab his qui praesunt,  
nec ministerium agnoscent, seu ministerii locum.  
Hoc idem S. Augustinus Regularium Canonico-  
rum primus Iustitior inculcat, dum sic Canonicos al-  
loquitur: *Ipse qui vobis praesert, non se existimet po-  
testate dominante, sed charitate serviente felixem.*  
*Honore coram vobis Praelatus sit vobis: timore coram  
Deo substratus sit pedibus vestris. Circa omnes se ipsum  
honoru operu praebat exemplum. Corripiat inquietos,  
consolatur pusillanimes, suscipiat infirmos, patiens sit  
ad omnes. Quamvis utramque sit necessarium, plus a-  
mari à vobis appetat, quàm timeri, cogitans Deo se pro  
vobis reddisuram rationem. His Augustinus verbis*

In electio-  
ne locum  
ministerii  
non aucto-  
ritatem  
quiritur  
Psal. 64.

Eccl. 31.

Auctoritas  
humilitatis  
debet esse  
conjuncta

Aug. in 17.



Scriptura sortem appellasse divini quiddam & praeci-  
pui maneri per quod ille choro sacratissimo insinua-  
retur qui esset divina electione declaratus. Quocir-  
ca S. Antonius 2. p. rit. 6. cap. 2. censet fuisse radium  
& caelo demissum; sicut radio lucis demonstratus  
fuit S. Gregorius Pontifex, aut S. Remigius Epi-  
scopus Rhenensis.

Resp. 3.

Denique, nonnulli existimant sortes has fuis-  
se scrutinium per suffragia & vota, quae in ele-  
ctione ceciderunt in Matthiam, ut sortiretur lo-  
cum ministerii & Apostolatus: ita ut Apostoli in  
oratione sua hoc postulent à Deo, ut illuminet  
eorum mentes, & declaret cui suum quisque de-  
beat dare suffragium. Quod quidem videretur con-  
firmari ex eo quod sequitur: *Annumeratus est cum  
undecim discipulis*, quod ex graeco plerique ver-  
tunt *Suffragia additis est ad numerum undecim Apo-  
stolorum*, sive communibus calculis, cooptatus  
est, & additus ad undecim. Et quidem poterat S.  
Petrus, caput Apostolorum, duodecimum Apo-  
stolorum Iudae successorum designare, ut docet  
S. Chrysostomus: id tamen noluit, tum ne vide-  
retur dominari in clericis, tum ut iniciaret exem-  
plum postea servandum in electione Praefulum  
Ecclesiae, tum ut amorem electo suffragiis totius  
Collegii Apostolici conciliaret. Quaecumque tan-  
dem forma & modo electus fuerit S. Matthias;  
directione spiritus electum fuisse nulli potest du-  
bium esse. Et quia in eius electione fors fuisse di-  
citur, ex hac sorte Clericos nomen & originem  
accepisse censet S. Augustinus in Psal. 67. ita ut  
primus Clericus censeri debeat S. Matthias, sorte  
hac electus, & in sortem Domini adscitus. Cle-  
ricus enim idem est quod fors, & Clericus idem quod  
sorte vocatus. Sic antiquissimus omnium Clerico-  
rum, & primum exemplar huiusce nominis & vo-  
cationis, S. Matthias fuerit. Audiamus verba S. Au-  
gustini, *Cleros & Clericos hinc appellatos puto qui  
sunt in Ecclesiasticis gradibus ordinati, quia Matthias  
sorte electus est, quem primum per Apostolos legimus  
ordinatum Clericum enim à sorte dicitur, quia sorte  
in sortem Domini adscitur.* Huic sententiae Au-  
gustini subscribunt Ilidorus & S. Antonius, atque  
ex hac sententia sequitur, quod Cleri nomen jam  
inceperit cum Apostolis.

Cur S. Pe-  
trus in lo-  
cum Iuda-  
e alium non  
nominavit.

S. Matthias  
omnium  
clericorum  
primus.

Electio S.  
Matthiae  
quid docu-  
menti con-  
sineat.

Tandem concludo, & finem principio jungens,  
repetendo dico formam electionis Matthiae Eccle-  
siasticis electionibus facem praetulisse: tum quia  
eam praecessoratio ad spiritus divini directionem  
implorandam: tum quia hac directione in ea non  
fuit electus qui Domini Iesu consanguineus &  
Apostolorum nonnullorum Frater erat Ioseph sci-  
licet Frater S. Iacobi Minoris & SS. Simonis & Iu-  
dae, ut multi opinantur; ne in electione ad Officia  
Ecclesiastica nimia habeatur ratio consanguinita-  
tis. Tum etiam, quia licet Ioseph iste foret iustus  
& sanctus, quandoquidem de eo dicitur, *QUI  
COGNOMINATUS EST IUSTUS*; tamen signifi-  
care voluit Spiritus sanctus, ad praeturas non

semper aptiores esse qui iusti sunt & sancti; sed  
simul requirit talentum regendi, quod ultra sancti-  
tatem, prudentiam requirit, & rerum experienti-  
am in subditis gubernandis. Denique, in hac ele-  
ctione significatum est unumquemque debere esse  
contentum suae vocatione; quia nec Ioseph iustus,  
cum Matthia velur in bilance positus, indoluit sibi  
Praetatum esse Matthiam extraneum, cum ipse foret  
Apostolorum consanguineus; nec minuit exinde  
zelum suum ad propagandam gloriam Dei, quin  
potius auxit.

Tu ergo, Domine, qui corda nostri omnium hic  
praesentium, eorumque vires, dotes, qualitates  
exploratas habes, ad onus & munus quod propo-  
nitur suscipiendum, illasque augere potes & cor-  
roborare ad tuae gloriae incrementum; sic dirige  
mentem eligendi & eligentium, ut hi sciant quem  
tibi acceptum eligere debeant, ille quoque tua  
luce agnoscat se accipere locum ministerii cum  
onere rationis strictae à te suo tempore exigendae.  
Ideoque cum humilitate & timore accipiat hunc  
locum, ne praevariando abeat cum Iuda in locum  
suum, in locum secundum demerita sibi praeparatum;  
sed potius in locum abeat secundum divi-  
nam electionem & merita sua sibi cum Angelis  
destinatum.

LECTIO VIII.

Thema. *Facies Hominis & facies Leonis à dextris, Caribio-  
sporum quatuor. Facies autem Bovis à sinistris, & facies  
iporum quatuor. Et facies Aquilae desuper. Et facies  
iporum quatuor.* Ezechiel.

Visto Ezechielis Prophetae in qua Curritus glo-  
riae Dei ei ostensus fuit, Splendens, Flam-  
mans, fulgurians, quem Rotae quatuor volubant, in  
quibus erat spiritus vitae, & quatuor animalia  
mythica trahebant, in quorum unquoque qua-  
tuor facies erant, facies scilicet Bovis, Leonis,  
Hominis, Aquilae: tantis plenae erat mysteriis, ut  
haec tam plenè explanare non potuerint fa-  
cti in cri Interpretes, licet desudarent, & omnem in  
genii vim intenderint. Absque dubio quatuor il-  
la animalia, sive quatuor facies animalium, ple-  
nae erant sacramentis. Ac primum dicere posse-  
mus fuisse designata hic Insignia & Stemmata  
Christi, qui Homo fuit in Incarnatione; Bos im-  
molarus in Passione: Leo in Resurrectione: A-  
quila in Ascensione. Immo haec Insignia & Stem-  
mata quadriformem in ipso dignitatem indigita-  
bant; Aquila divinitatem, Homo humanam na-  
turam, Leo Regiam maiestatem, Bos sacerdotii  
simul & victimae praecellentiam. Propterea etiam  
Israelitae exeuntes de Aegypto in terram promif-  
sam, Vexilla quatuor praetulisse feruntur, in qui-  
bus depictae & inscriptae erant horum quatuor  
animalium effigies, & typo futurorum. Ulterius  
dicere possemus per quatuor ista animalia my-  
stica

Propheta  
Caribio-  
sporum  
quatuor  
facies  
Bovis  
Leonis  
Hominis  
Aquilae  
mysteriis  
Interpretes  
desudarent  
omnem  
genii vim  
intenderint  
Absque  
dubio  
quatuor  
animalia  
plenae  
erant  
sacramentis  
Ac primum  
dicere  
posse-  
mus  
fuisse  
designata  
hic  
Insignia  
& Stemmata  
Christi  
qui Homo  
fuit in  
Incarnatione  
Bos im-  
molarus  
in Passione  
Leo in  
Resurrectione  
Aquila  
in Ascensione  
Immo haec  
Insignia  
& Stem-  
mata  
quadriformem  
in ipso  
dignitatem  
indigita-  
bant  
Aquila  
divinitatem  
Homo  
humanam  
naturam  
Leo  
Regiam  
maiestatem  
Bos  
sacerdotii  
simul  
& victimae  
praecellentiam  
Propterea  
etiam  
Israelitae  
exeuntes  
de Aegypto  
in terram  
promif-  
sam  
Vexilla  
quatuor  
praetulisse  
feruntur  
in qui-  
bus  
depictae  
& inscriptae  
erant  
horum  
quatuor  
animalium  
effigies  
& typo  
futurorum  
Ulterius  
dicere  
possemus  
per quatuor  
ista animalia  
my-  
stica